



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu i inspekcije

Broj: 04-02-1-335-3/13

Datum: 07.03.2013.god.

PREDMET: Izvještaj sa javne rasprave

Dana 27.02.2013. godine u sali Općinskog vijeća Tešanj, održana je javna rasprava na prijedlog Programa novčanih podsticaja za unapređenje primarne poljoprivredne proizvodnje u 2013.godini. Na javnu raspravu su pozvani članovi općinskih komisija za poticaj, predstavnici udruženja i zadruga, predstavnici mjesnih zajednica i poljoprivredni proizvođači.

Prisutnim se ispred Općine Tešanj obratio pomoćnik općinskog načelnika Hamzalija Hojkurić i nakon kraće prezentacije prijedloga Programa otvorena je javna rasprava kojoj je prisustvovalo 28 učesnika, u kojoj su kao pojedinci ili predstavnici zadruge ili udruženja uzeli aktivno učešće:

Bekrić Dževad

-da se potiču veći proizvođači, kod poticaja muznih krava proizvođači sa pet i više krava
-ne podržava ukidanje poticaja proizvodnji pšenice

-prijedlog nije prihvaćen jer i proizvođači sa tri grla nisu beznačajni, usmjereni su na tržište-otkup mlijeka, a i najveći broj gazdinstava posjeduje tri muzne krave

-proizvodnja pšenice se potiče već više godina i uglavnom je to proizvodnja za domaćinstvo, i prijedlog da se potiče proizvodnja za otkup je prihvaćen

Muminović Elvir

-podržava Program i način kako se realizuje

Ibrahimović Almir

-ne podržava ukidanje poticaja proizvodnji pšenice

-predlaže formiranje poljoprivredne komore na nivou općine

-prijedlog nije prihvaćen, u Agronomsku komoru udružuju se diplomirani inženjeri poljoprivrede radi očuvanja, unapređenja i zaštite interesa poljoprivredne profesije

Hodžić Zihinja

-razgraničiti šta se stimuliše, da li samo proizvodnja za tržište?

-cilj je poticanje proizvodnje za otkup i stvaranje tržišno orjentisanih gazdinstava tako da će vremenom i Programom biti poticane samo otkupljene količine proizvoda

Ahmić Esed

-ne podržava ukidanje poticaja proizvodnji pšenice

-postoji li mogućnost da se ranije donosi Program kako bi proizvođači mogli planirati proizvodnju?

-prijedlog nije prihvaćen jer se prijedlog Programa može raditi tek poslije usvajanja Budžta, kad se zna iznos sredstava za razvoj poljoprivrede

Trepčić Mustafa

-podržava poticaj na minimalno tri muzne krave

-predlaže organizovan odlazak na neki od poljoprivrednih sajamova uz podršku Općine

- u prijedlogu Programa i utrošku sredstava je planirana i mogućnost posjete nekom od sajmova a kao veoma dobro iskustvo pokazala se podrška proizvođačima za učešće na sajmu OPENS Zenica 2012.

Balić Edib

-strateški cilj je robna proizvodnja, tržišni proizvođač

-predlaže da se poveća poticaj proizvodnji voća na 0,30 KM/kg

-prijedlog je prihvaćen kako bi se proizvođači voća potaknuli na ugovorenu proizvodnju za otkup

Pored navedenog, zaprimljen je pisani akt od vijećnika SBIH Halilović Fadila u kojem je uz određene prijedloge za mjere poticaja, dat i prijedlog mjera za poboljšanje i unapređenje razvoja poljoprivrede na području općine Tešanj, a za realizaciju istih potrebna su i značajnija finansijska sredstva kao i drugi preduslovi.

Zapisnik sačinila
Tamara Turkić